



振綺堂詩存

徐惟琨題



光緒十五年  
歲在屠維  
奮若陽月  
琴

徐惟琨



振綺堂詩存敘

國家全盛稽古同天之

聖人出焉四庫求書則山巖屋壁之藏日顯而名家舊族被服儒者有累世楹書之積如吾杭州振綺堂汪氏進上遺書箸錄百餘種

天語褒嘉事備掌故當是時汪氏賢喆輩出澤於古富於文如千陂先生以來昆弟子姓往往以科目起家以述作自任也惟夫天地之運文質相禪風移道變則文字先焉漢唐之代治當極盛儒術之士濯磨經訓歌詠王化凡名家著作後世論定必以其時其地攷其立言用心皆植於忠厚傳於美備士或生丁叔季念亂憂生

敘

頌其詩讀其書則慕思於亡窮咨嗟於不逢其會孔氏序詩所由正風正雅之少於變也千陂先生明經治六書箸書滿家有易說存悔說文繫傳考異之作乃以緒餘賦詩百篇爲振綺堂集一卷見道之言夷愉爲多懷古尙志悠然有黃虞之思懷人寄遠溫厚而和平體物繫情從容而安雅抑不必託體峻雄而情靈自然諧暢者與先生去今日百有餘歲井里不改風會較殊焉近三十年兵甲起東南文物以替杭州再陷振綺藏書楸落殆盡汪氏子弟幼學績文者尙比肩立而述祖德者卽不禁追思

升平求生其世而不可得獻讀振綺堂集請誦詩曰昔





吾有先正其言明且清爲之且想神游不能自己又得見振綺堂藏書目則我生之初數萬卷尙亡恙而惜乎未得過讀也先生遺詩未曾鈔板元孫曾唯校寫付梓屬獻紀敘斯文乃略陳夙昔讀書尙友之私言如右以誌汪氏之賢孫子光緒己丑冬譚獻撰

敘

二



刑部員外郎魚亭汪君傳

嘉興錢陳羣撰

君諱憲字于陂號魚亭先世居上江黟縣之雷岡七世祖文字公始遷於杭貫錢塘考朝議公諱光豫字介思妣施太恭人以君貴受封君天性純孝幼偕弟容谷侍兩親不暫離左右弟早世服勤益專摯未冠補諸生出予同年宗伯鄧公東掌門公司衡兩浙文行並重特器君逾年登甲子賢書乙丑聯捷爲予主試南宮所得士榜後來謁儔衆中德器溫純子尤愛重之顧年少澹於榮進南歸侍養者十五年戊寅赴京以資補刑部陝西司員外郎奉職勤慎明年以父母俱周甲復請急歸自是一意循陔無復出山志矣里居定省暇與鄉黨晉接

傳

退然常若不及未嘗言人小過人有一善輒極口獎成之尤樂緩急人知交中有匱乏者不待其請每先事周之凡嫁娶不以時喪葬不能舉事畜之艱窘行理之乏困者無論戚疏皆量力資給之無德色無劾容雷岡族屬旣繁君躬詣祖祠謀諸宗長規捐義田以成父志耽蓄書丹鉛多善本求售者雖浮其直不與較集同志數人昕夕討論經史疑義詩文不多作作必精詣一字未當往往沈想經時必愜意始脫稿歲庚寅夏五朝議公邁疾君侍疾過勞及疾革哭踊過毀食糲服菹逾期不變制君居恒自奉澹薄體素羸至是僅以骨立明年施太恭人抱病幾危君悸甚苦次強起多方療治病少痊



而君遂嬰疾不起卒以辛卯八月九日年五十有一君遊予門將三十年予懸車以前還往亦不數數晚始熟君之爲人蓋篤行淳備而誼敦在三者歟回憶西泠文酒之娛與君父子杖履周旋曾不數年相繼淪逝不自知其重哀而累歎也君諸子並有文庶幾能振其緒冢子汝璣以京秩邀

恩晉贈君官踵門涕洟請爲之傳因次君行實如左論曰晉傅元論孝謂內盡其心以事親外崇禮讓以接物孝子仁人君子之儀表也又曰存盡其和事盡其敬亡盡其哀予於穎昌侯見之矣陳謝貞哀毀羸瘠尙書右丞徐祚左丞沈客卿俱來候貞愴然歎息徐喻之曰

傳

二

弟年事已衰禮有恒制小宜引割自全貞因感慟祚謂客卿曰信哉孝門有孝子客卿曰謝公家傳至孝此恐不能起柰何今汪君終身孺慕不忍須臾離親卒以毀殉苟何謝貞殆其人也予嘗察其生平家稍裕好施而自奉儉薄名挂朝籍對人嘗抑然自下學富典墳而貌益樸訥生長吾浙而齊魯質行諸儒有所不及孰謂斯人而不永其年康成三命之說其信然耶



振綺堂詩存

錢塘汪憲千陂

古今體詩一百三十九首  
秋日閒居和陶飲酒韻二十首  
吾於飲酒見陶公之志東坡在揚州時和之同  
其同類和者子由無咎近時宣城嘉禾諸詩老莫不斐  
然有作秋序循陔愛古樂今襲陶公之舊題依  
其韻成酒之成韻濫觴前哲舖其糟餽固不足以自  
亦無欲堂堂慎自持  
琴瑟鳴高堂閭風來和之陟彼岵與吧遠遊悔當時養  
志亦云樂爲歡良及茲秋暉不改春何爲心然疑無營  
亦無欲堂堂慎自持

振綺堂詩存

筮易遇大畜象爲天在山去聖雖已遠六籍孕羣言文  
字九九家上下三千年多識以畜德賴有其人傳  
髻鬣就外傳本無逐物情驅車入長安稍稍知姓名秋  
江有芙蓉移向東風生先時失其性顧影暗自驚閉戶  
學種松好待松陰成  
陽鳥居揚州年年向南飛中道不成行孤鳴聽者悲念  
我同懷人有生卽相依乘化一何早舍我去安歸坐令  
齒髮改敢云精力衰俱養日方長此願差不違  
里閭迫人事日出羣動喧顧我常晏起闡緩性所偏烹  
鮮不知水采薪不知山畢生食舊德欲報無由還力穡  
愧良農有秋非空言



弁鄙少文采生平堅自是括囊本無咎求全詎有毀蔚  
彼南山豹吾無隱乎爾不見落霞飛秋空絢如綺

菟蘭在南陔逢秋發其英久爲君子玩初佩不勝情九  
畹雨未滋餅水躬自傾金風拂井幹輓轡時一鳴上有  
翡翠巢嫋嫋及時生

玉環詞譜卷之四香齋其法

梧桐生龍門亭亭百尺姿脫葉鴻毛輕黃金徽枯枝高  
山與流水鼓琴自成奇秋風辭衆葉時至善自爲快哉  
大塊噫攀條焉能羈

冉冉秋山雲嗜欲慎所開初生僅膚寸崇山不能懷古  
者教必豫卽今安可乖莫羨鳶蘿榮寧卑枳棘栖乘高  
輪登陴歷險櫬行泥鑿枓別方圓於物各有諧南轅反

振綺室詩存

二

北轍後得惕先迷寄語百川濶莫待旣倒回

達人戒盛滿室成或缺隅有餘與不足踐更非殊塗飢  
鼠登我牀夢覺亦不驅糲糧亦何有饜足稚子餘微聞  
蟋蟀謀卜此牀下居

物理有故常喋喋斯害道離山蟋蟀聲令人顏色老鳴  
蟬耽美蔭秋來葉已槁蛾眉競爲容所願不見好懷璧  
稽首獻主客皆喪寶枉影詎能移智者端其表

負郭十畝田耕穫歷歲時汗萊喜新斥越畔勞不辭但  
見新田熟故田荒今茲所得較多少灼然不待疑端誦  
甫田詩詩人豈吾欺新田不如故決計當舍之

河漢清且淺焉知非人境秋分漸長夜朝眠不求醒安



分適有餘靜趣此中領鉛刀割焉用莫疑錐脫穎寒螢  
飛近天光與列星炳

涼露欲爲霜已感堅冰至銜杯思止酒式飲又旣醉晦  
休對鐙燭欣若旅卽次因求養生主方悟遺物費何時  
見天心斟酌元酒味

俯仰便事育安此五畝宅終歲不出鄉自踏磨牛蹟陳  
力恥數奔五十方笑百鳴鳶警前塵毋使點絜白車中  
思匿影處子意自惜

淄澠辨無味著策占已經讀書未聞道學劍亦不成日  
居而月諸年運循環更往者事北征牽衣拜中庭父曰  
子行役努力一飛鳴母曰嗟行役倚閭脉脉情

振綺堂詩存

三

霧散衆籟寂巢居當知風虞人往從禽卽之入林中野  
燒四圍合榛芴爲之通矯首見飛隼不張已弛弓

冥鴻有羽儀衆鳥何由得用之傳燕雀飛飛意不惑誰  
謂九達高決起路已塞被褐寄窮巷善士繩鄉國相期  
慎翱翔寒號不如默

宛轡憩通衢陶公未忘仕素襟流白石所志非爲己士  
也何皇皇徒懷貧賤恥湯湯河之水一潤常九里臨淵  
增綱目勸之約其紀感此星在留漁者猶不止熠耀招  
搖光明明理可恃

閒居服九華飲酒寫天真千載味其詩亦如醕醪醕後  
來白雪和不改光景新岱華萬古色東西連齊秦生逢



聖明世百年無烽塵但祝王路康所愧子職勤甘旨太  
平味薦之垂白親涼風止庭樹日暖汗微津低枝安我  
裳高枝安我巾浩歌及西成我生誠幸人

貞孝篇

我聞蔣大夫家有賢女孝且貞少小秉淑質許字猶未  
行婿死一何促泣下暗吞聲宛轉白父母從一之義不  
可更一解父母大相諒爲女衷諸禮安用賦柏舟靡他  
從所矢洗我鉛華屏我羅綺明明如月誓將沒齒二解  
何來疾疾適丁母躬爲母嘗百藥醫罔功夜半剖臂和  
血雜之刀圭中真宰止訴格彼穹許續母命更一星終  
三解我謂之姪者謂我爲姑兒子失恃黃口啼噫嗚兒

振綺堂詩存

四

莫啼與我居是攜是抱載勞載劬人言衛貞姬又言魯

義姑兼之者難古所無四解博陵大家中丞之母尹公會一

有賜衣文曰百壽解贈大夫歸以遺女意良厚五解大

夫服官北征露冕鼓子之城西南踰絕傲貳守金齒遄

其行點蒼山兀峻嶒下見狎犵江水盈盈不如女之心

澄以清六解七十懸車古訓是式惟鉅人兮長德松之

茂兮悅柏闈中丈夫女冰霜照顏色他日旌門美非借

鄉邦誦之永無斃七解

壽巖而大叟次言懷原韻二首

獨抱遺經散百憂高風直與古人儔三千弟子名皆著



七十年華生豈浮元草有人頻問字赤松招我許同遊  
傳來新詠操豚祝老去揮毫手尙柔

聚首兼旬悵北征阿咸詩筆九州橫偶論舊雨傾湖海  
又慮新霜祝老更南極應占臨白社東籬剛報吐秋英  
一門羣從俱才子洗爵飛觴無俗情

輓徐曉峰先生四首

廷尉汪夫子傳來有道碑哀辭當史筆潛德足人師爲  
善心無倦傳經報豈遲他年徵獨行尙有典型垂  
孝感真奇絕荒墳八百年沈埋當宋代辛苦覓瀧阡似  
有神靈導重看堂斧全墓旁爭歎息至性果孚天  
令嗣飛騰早詞林宿望尊十年違

振綺堂詩存

五

禁籟一榻侍晨昏暫輟白華什重遊金馬門如何風木  
痛空使見星奔

契闊經年別相逢強舉杯感君衣似雪入夜管飛灰水  
驛迢迢遠霜風浙浙催從來悲陟岵此去更銜哀

趙節母旌門詩

貞松峙層崖幽蘭秀中谷戚黨有女宗令德秉自夙結  
禱事君子匹好雙黃鵠黃鵠不復雙仰視浮雲速遺雛  
三歲餘四世一綫屬何以報所天恩勤閔斯育登堂祝  
甘旨入室謝膏沐貞孝久不渝大義豈錄錄荼顏歷五  
旬平陂往必復佳兒羽翮豐佳婦蘋蘩肅孫行別男女  
摩挲紛滿目庭前鳳逾三掌上珠盈六絛縣自今始振



振理可卜象服荷

恩榮含飴介老福明庚夾寶婺光彩天下燭人事有代  
謝山邱闕華屋運隨夜壑移明共秋陽暴芳椒覲難再  
懿範聆已熟彤管揚其輝流傳自邦族列狀達有司禮  
官更覈復

聖朝敦化理苦節罔攸伏旌門揭雙烏僉曰毋無惡猥  
從姻婭後余膺諒所服作誦匪阿私願附清風穆

閏重午邵椒石家槐塘招集介峰書屋喜雨分韻  
重午已匝月遇閏又舉觴借問主人誰椒石與槐塘二  
君居同里意氣相頡頏佳節惜虛過治具勞分張江南  
舊風俗雨及梅子黃芳田灑徐徧再熟占農祥今年布

振綺堂詩存

六

穀鳴休徵協時暘如何三庚暑先時沸蜩蟬瘦骨耐已  
慣亦頗耽疎狂招攜不遐棄戴日踐華堂中麗眉雙  
巋然魯靈光扶輪盡大雅一流芬芳置我安樂窩菜  
几交繩牀遊自得美蔭嘉樹森成行枝葉有虧蔽炎景  
爲低昂於時坐復起步屨恣相羊解衣盤礴贏快語思  
蒙莊未敢略文貌勉以禮自防歡娛不覺久日盱羅肴  
漿俄聞雷車動飄飄風聲溯滂預愁泥滑滑客散太匆忙  
我輩興未已不辭呼渴羗洗盞祝雲師待傾天瓢嘗果  
見濯枝雨冥冥煙黛蒼煩襟驟披豁餘興增飛揚爲霖  
雖瞬息足以蘇百昌各有望歲意存至焉能量其雨旣  
云喜雨至生微涼大火出雲罅如劒作作光氣候一飯



頃翻覆改厥常主人心鄭重久要信不忘後今十九年  
茲辰復相當相期續此會千秋未渠央

九日潘秋田大令陳春齋翰編龔深甫孝廉飲於  
是亦樓之顛同用樓字四首

極目江天繞郭秋爲逢佳節躡重樓略教宏景三層似  
許比淵明九日不燠氣未消寒氣薄吳山不斷越山浮  
當窗指點登高者應上危巒最上頭  
種花愛說潘懷縣桂樹方之陳太邱珍重情懷惟二客  
流連時序感三秋擘螯不責肴兼味對酒當歌風滿樓  
記得醅醕閨重五一般雷雨促觥籌

兩止清宵景倍幽多情杯筓肯遲留閒忙隨分萍蹤迓

振綺堂詩存

七

蹇躓辭勞屐齒休澗谷菜萸供佩帶湖山賓客屬應劉  
招尋賸有同心侶古驛牆隈共倚樓

翩翩蕊榜數名流窄翦銀袍約體柔今夕飛觴黃菊徑  
他時繫馬綠楊樓懷中杼軸原殊俗江上芙蓉莫怨秋  
爭羨盤空如俊鶻乘風快作玉京遊

車烈婦詩

胡氏

海陽車氏婦夫死卽捐軀執手黃泉下完身白璧俱再  
期恩自篤三世事同符奇烈輝前後常瞻綽楔烏

婦之叔祖

母李從伯母  
王皆以烈旌

壽高丈介如七十次自壽原韻四首

松鱗歲月養生書莫問蒙莊擁腫樗筇杖晚風催蠟屐



沙棠春水數春耬銜泥省識梁間燕逢社欵帽因妨果  
下驢聞說先生今七十無波古井谷神虛

有道義皇以上人由來先覺屬天民招尋步履街西宅  
坐對鬚眉硯北身講席禮宜施絳帳舞雩風欲度青蘋  
滿懷光霽誰能識自聳吟肩鶴髮新

篋中猶有芰荷衣頭白心期與俗違花影一簾塵不到

匡廬九疊夢猶依先生客西忘機好共江鷗狎送目從

教野馬飛苜蓿春來應漸長杏花賣後雨聲稀夜雨新霽

初晴門巷隔湖光隄柳如絲舊有鄉已過月繩玄兔滿

曾題仙籍碧瞳方揮毫珠玉盈千紙人社粉榆聚一堂

最愛南山山色近舉杯還祝百分強

長綺堂詩存

八

盛夏雨後古柏山房分韻得知字

高齋散煩暑霖雨鳴庭枝物性良可悟柏悅恒於斯過

從甫涉句尊酒還重持公子中州彦儀封張琦字錦喬

木清風垂温温富文藻奕奕生光儀潘江皆老輩兒孫

各追隨臨風緬古歡敦交樂新知雲陰簾幌靜坐久莓

苔滋水晝澹將夕深情浩無期願言理桂檝明朝訪湖

湄

和儀封張錦堂上舍琦湖上卽事六首

漱石精廬傍水臨虛亭一角見湖心樓頭借與幽人榻

贏得湖波分外深

瓜皮艇子任徜徉山雨催歸暝色蒼到岸自橫楊柳下



俯聽篷背夜淋浪

提壺林外故相催  
湖北湖南恰恰來  
倦坐招提無俗事  
茶煙輕颺畫爐灰  
重春殿爲開中子轉輪刺古短觀  
端居無那隔層城  
不共沿河盪槳行  
有約明朝當襍被  
藕花風細月輪明

洗盡鉛華到骨清  
兩峰秀色與詩爭  
竹枝采入西湖曲  
老鐵風流有繼聲  
武康文山詩歸又御書中  
閒中徹帚已成塵  
偈和應慚風雅親  
暑氣未闌吟思永  
黃昏定有倚樓人  
美堂賦本卷歸王高令怒百晉書

六月望夜張錦堂見邀共泛西湖二首

月華當暑不辭圓  
旋見明湖晚霧煙  
此夜清光徧牛斗

振綺堂詩存

九

相期出郭扣船舷  
水侵小堰荷波沒  
雲斂深更露氣鮮  
草色不煩重蠟屐  
樓頭跂腳許高眠  
寶所紀遊三百字  
芙蓉秋水格偏工  
高吟恐有潛蚪聽  
載酒須教秉燭同  
洛下才名江左少  
濟西冠蓋古來雄  
錦堂隨任濟甯  
風清月白流連夕  
山色湖光掩霽中

上元夜席上香樹師以新詩題扇見贈明日將由

禾中迎

鑿依韻卻呈

春風信宿遲  
江天珍重春遲爲  
閏年斗轉鉤陳占  
啟蹕月明滄海覺  
生煙河邊曉送迎  
舒來對坐豈無餘  
恩懼袖裏新題漫  
興篇長憶驪珠邀



睿賞

恭釋辛未  
元夕

南巡  
御製詩句

每逢佳節敢忘旃

追和安居王樓山中丞閩中四詠寄士會鎮之兩

公子四首

灌莽陰陰築遠邱青冥萬瓦望中浮徒聞簫鼓春來競  
豈比衣冠日出遊甬里有文碑野廟平原無地置閒樓

一天涼露神絃寂卻費輕車蒿目謀

右叢祠

跋馬迴看珠斗移洗兵曾此駐偏師中天明月猶前夜

小隊元戎去幾時亭埃東南長解甲梯航冠帶及條枝

新田野燒明如晝苞葉催殘不再歧

右廢營

兩歇高牙海氣沈晴光依舊綴餘陰但留粉堞三分色

未泯園葵一寸心萬木林端孤塔在數峰江上短筇臨

振綺堂詩存

十

牆東徙倚清如許閑綠曾無野馬侵

右殘陽

脉脉金波空宇清纔離海嶠已分明一輪瞥見盈三五

殘夜何妨吐四更卻扇風流如舊識開軒燈火且徐行

謝公詩格芙蓉樣比似朝曦倍有情

右初月

嘉平之望晤安居王六公子於香樹師座上未幾

天別去今年正月再會於杭令兄五公子亦至談讌

累日將還禾中以詩誌別用東坡止已出遊韻同

公子壬午舊作也

紫薇堂中贖花雨小甘棠滿餘杭塢

尊甫樓山中丞左  
遷浙藩莅事三月

烏衣公子孝廉船津吏逢迎那敢侮凍鷗起聽聲

欲乾寒江正報潮生午尙書昨夜發鴛湖清潤唯應子



和汝入門執手恨見晚濃笑相看眉亦舞幾夕論文尊  
酒同如味薺茶別甘苦卽今邏水寓羣賢香山老作去  
風騷主六詩聲價比南金更逢第五成雙嫵眼底蘇家  
好弟兄尋常棠棣况黃土詩自百琲璀璨聯珠集導我  
疑遊夜光圃錦官舊第池塘春浩蕩白鷗亦得所自采  
鮮葩娛老母更將色絲題少女愛此粲粲絕世無余膺  
所服首先俯拾來香草盡氤氲合共孤山梅蕊煮東坡  
上巳黃州詩時一和之作坡語煙雨題襟俟三載墨妙  
流傳在僧宇六七人外無羊何有似爰居享鐘鼓華燈  
月滿維行舟笑指前期應共許中春春仿遲復遲繫馬  
沙隄道非阻欲酬小別無新句幾箇晨星當贈子

振綺堂詩存

十一

蓮池塔院

棄儒終入高僧傳遺塔燈熒一弔之虎老戢風猶夜嘯  
鶴歸刷羽避塵緇祠前樹碣題元宰身後刊碑付港持  
百五十番春草宿青杉白月照威儀

香樹師招泛南湖同宮守坡王鎮之用昌黎酬盧  
給事雲夫韻

水風撲暑船櫺淨天明攬衣髮不鏡從公載酒禮數寬  
迤入南湖午陰正驚起白鷗三十六葭蘆吹平做遊目  
八牕樓閣閑婆娑同遊意氣不在多東萊寓公如舊識  
酒酣喚聽王郎歌鵲華蛾眉幾千里照見顏色湖光裏  
相遭莫問從何來但逢碧筍折作杯塘水溘溘藕花缺



賸有一雙素萼凌波開日暮蒼茫入城郭安能采之作  
佩左右容吾陪

六月朔守坡先生招飲卽席話別用問庭送任孝

廉亭村韻賦謝

高明時可居薄暑開軋塊裏回今兩心因風自流賞夫  
君秀萊子華鄂輝兩兩循陔長水湄願言溯河往嘉眷  
况招攜縞紵契不爽貽我詩十卷秉燭快抵掌小草一  
寸心何以益高崑但令好顏色悅於芻豢餉遂登君子  
堂古歡侑清響託交匪思今夷憚焉愀恍博辨讓皇墳  
韓蘇爭俯仰不畏川無梁殷勤具雙漿主客意方欣小  
別成悵惘出門指明河照我萬古想

疊前韻別鎮之

振綺堂詩存

十二

陽阿媚流光畢景無停塊王郎重義氣絲邈舍餘賞月  
黑國門西三旬送客兩執手判前期促膝成孤往眷懷  
歡讌初愛接眉稜爽直諒愜三益指畫歸一掌俊如鶴  
摩空快若驥登豈棲寓盡高賢名理互酬餉蜀才挺古  
秀齊音振遙響不見對牀人命兄士會在蜀欲寄臨風恍望遠  
勞鬱伊卽事識宗仰夜涼引歸舟水落妨鼓槩雲泥不  
厭遲照火忽增惘仿彿聞春鐘南屏證夢想

題龔深甫韓江倚櫂圖

城根圍綠煙小葉齊戢戢載得璧人來春衫艣搖溼朝  
出淮口遊暮上雷塘立不信浪花渾有時墮柳汁



江雲溪招集寓齋以詩見贈次韻答之

白石仙人呼不起馬塍煙冷古城隈相逢黃海浮家客  
載得揚州明月來異代辦香歸大雅淺橋流水泥深杯  
一杭根觸催歸早不是樽前興盡回

詠白杜鵑

日南花字西川鳥白羽還疑白雪同綽約枝頭嫌躑躅  
裏回簾底犯玲瓏算應明月能相照愁比櫻桃也是紅  
一自浣花人去後無情有限繫春風

蓮居庵修禊同用梅宛陵韻

堇浦西林颯亭槐塘妙峰蘭村雲溪

橫河雙橋修眉綠窈窕城隅北空谷河流轉處蓮居庵  
花木深深幽趣足殘碑三絕費拂拭

虞長孺之文清奇李長蘅之書瘦硬

振綺堂詩存

三

宋比玉之篆蒼嚴樊榭東城雜記云爾借取新湔裙幾幅遨頭老輩證前  
塵西湖和徧花遊曲清遊今喜朋簪盍悟到拈花離凡  
俗葯園臯園徑術通榛芳闌白衣冠族喬木誰家長子  
孫比鄰盡日喧童僕惟有春光慰飄蕩不隨長物同棄  
鬻石鼎汲水付僧雛薺菜和根炊客粥人生會合風團  
絮塵迹俯仰車轉軸佛火催歸未及曠古驛流鴉倦遊  
目

繡谷亭紫藤盛放步入瓶花齋牡丹未殘坐久雷

兩口占呈主人

斑斑卻埽爲藤花深屋嫣然雲鬢斜似遣齊奴開步障  
不妨姚左各名家草堂兩地春都滿詩筆同時客共誇



新羅山人寫藤花圖  
蛇  
幅頭題詠者十一人讀畫嘗茶良不惡漫勞急雨掣金

東朱映澹日丑正月十七日

夫子有賢母何爲成此行雲衣翻手頃膠漆故人情壘  
恥誠相負舟虛任自橫今朝重翦燭不見鐵橋生謂嚴

伏日與杭堇浦陳勾山諸君南華堂避暑分得山

字

三十六鷗飛不還綠楊依舊倚潺湲名園避暑娛新節  
大雅扶輪借小山藉甚聲名元白在過從親故紀羣間  
倚樓未覺前塵幻乞得清涼羽扇閒

謝太傅祠

振綺堂詩存

十四

祠在薦橋東山街內蓋以祠明嘉靖中侍郎不

祀其考文正公建也並祀晉之文靖宋之正惠

亦名三太傅祠

過里憑車地姚江謝傅祠科名光鼎竦進退識安危系  
表三公舊功宗一姓宜溪毛能感格玉樹儼參差

五月二十日香樹師以新葺表忠觀告成省視竟

招泛湖上侍 家嚴率三子隨師有詩紀事用東

坡介亭餞楊次公韻卽次韻奉呈

南風吹舟當祠門柳邊沙路郭外村不忘明德本忠孝  
密邇長水思淵源籃輿周覽睠煙樹青帘酌醞傾罍益  
拍肩喬松自仙骨攀芳沼沚無塵根由來豈弟神所勞



綏我君子毅後昆信修敦勉在三義執經請事六三坤  
溪山披豁悅眞性笙竽發響酬清言扶攜還喜要歸路  
仰視三五橫前軒

聖主香樹師八十壽詩一百韻

并序

乾隆三十年春

皇上時巡南服時則

予告大司寇嘉興錢公

三朝國老齒登八十迎

蹕有

詔侍公歸里第奉觴上壽修家人之禮既乃倍道趨武

振綺堂詩存

十五

林率浙之縉紳再迎於杭境旬日之內

召對密近

賚予駢蕃莫可殫紀于是

特頒溫諭晉秩宮銜推恩似續殊榮異數非思議所及

大聞

命之夕憲方侍公讌于表忠觀中族姓少長與夫門生

親故無不騰聲歡誦以爲

聖主非常寵遇適當公大耄介壽之歲

國恩家慶萃於一時史冊所未覩憲獨推本理要

知公之福壽實公之忠孝所感召理有必然非

倖而致者謹按易中孚象傳曰中孚以利貞乃



應乎天也眉山蘇氏謂天道不容僞九二一文  
有孚貞之德致應天之盛蘇氏又謂中孚者必  
正而一靜而久端慤無求而物自應焉方今  
朝廷之上有久道化成之

聖人天清而地寧而公以中孚之德之貞應之於下紬  
繹蘇氏易傳之言曰正一曰靜久曰端慤無求  
皆善形容公之貞德而實本之於無僞以合於  
天道則天之應之也寧有爽乎鶴鳴子和我爵  
爾靡灼然可信其在太元曰後福貞貞德貞則  
福亦貞注謂正以俟福是也憲初謁公時公壽  
方六十親炙二十年之久近尤被公教誨見聞

振綺堂詩存

十六

日益親切于公之忠孝大節稍稍窺探根柢分  
當操觚侑爵因詮次今年迎

鑾受

恩大略而更揭夫孚貞應天之所由成詩一千字以獻

其他祝嘏恒辭不著於篇

忠孝傳家法元臣秉德貞台階尊獨坐星曜儷長庚

賜杖鳩端正還鄉水激泓視躬恭則壽公取古敦銘語刻印自箴履

道賁而亨望自

三朝重身兼百福并神仙推李郭父子似韋平幸際

文思主頻沾

德澤宏卽今躋大耋紀盛肇初正閭闔臨吳會鉤陳轉



上京

六飛驤軼蕩萬騎集  
駟旬劍佩遙迎  
輦河淮早計程不禁  
心愧養已覺足趨趙

申命傳中禁丁宣戒遠征  
平江初解凍姑蔑尚飛靈  
召對依

行殿庸歌乃載賡金狻香篆  
浥畫舫碧油輕虎阜遊親  
侍滌湖艇好撐

詔趨冠蓋里還

勅度支卿子舍娛樂舞賓筵  
列鼎烹八瓊和象管九節  
挺金莖宴樂思魚藻家風有雉羹  
春宵圍又簇儂邀三  
假情語春宵簇一圍公喜頰醉餘頰處處談芹曝村村  
丁丑和御製詩句也

振綺堂詩存

十七

粥杏飴未遑淹落帆去先已結心旌遵海

宸旂懋前驅午夜行一葦兼信宿  
兩浙領簪纓鷺序環  
沙岸嵩呼就野坪近

光迴穆穆

顧問語鏗鏗德著中孚信占同  
大有彭錦暉斑絢爛珠  
露朗光晶

奎畫臨顏告襄辭寓袞評賜御臨顏真卿自書告身卷田園初稿就

香案密封呈

賜和丁玉再

新裁篇什盈百僚齊動色  
三復益屏營祕笈知珍重  
恩波相拂縈明湖仙仗靜退直小舟撈功德崇坊路尙



書曳履聲林花邀散步隄柳映飛蕈簷噪頻占鵲鈴圓  
細轉鶯文漪潛魴鯉淑氣潤茅蕝風景佳如此委蛇隨  
所令過從皆弟子笑語倚軒楹鐵券開函澀瓌模入手  
鏗摩挲千載製呵護六丁擎良夜張高讌春星帶晚晴  
門生班上下門唐楊於陵事時可農生庶常張君亦在座華胄列縱橫玉座  
五王貌明燈八尺檠絲綸廳以下賓客適然驚異數非  
思議平施自

聖明聲華繼疎廣班秩過匡衡本是香山老還高洛社  
名賢書優特奏季息荷生成拂拭雲栽杏涵濡芷育菁  
暉光何浩蕩時論愈崢嶸盛極偏能副心虛莫與爭一  
言申頌禱四海息喧轟須識膺殊寵由來在積誠惟公

振綺堂詩存

十八

符嶽降應瑞作邦楨露掌當霄矗葵心向日傾兢兢嚴  
素履耿耿貫元精夜紡瞻慈範

題詩感

睿情太夫人夜紡授經圖上宣索進呈題二詩於

人蓋生平事業實永懷明發訓不改歲寒盟節比絲繩

直操如介石磴焚香趙閣道存無欲害人之心行可以

書此二語省格束長生膠漆雲門奏梧桐井幹萌固宜

神所勞常與福爲兄

御墨圖橋梓庚辰夏拜賜御門才起散闕家駒皆汗

血子鶴在陰鳴奕葉方昌熾休徵有導迎表端占影直

彪外信中朔素滄金芝茁黃流玉瓚盛雲霄滋岱桂穎



栗報春耕垂珀能黏芥持筵亦應鉅自期非汗漫何待  
召黔羸柏悅松彌茂冰輝玉倍瑩延年

先予券如意比投瓊

壬午冬公以天然竹如意奏進  
温旨批荅賜木蒲獲鹿有肥食

延年以俟  
清晤之論

不倦登臨費因之物色更草深僧紹宅潮打

石頭城玉冠新標勝詩笳勇敵勅

公承恩命游棲霞  
歷玉冠峰諸勝與相

國尹公唱和  
詩載本集

篇章多奏御音響協韶諛舊地鄰煙雨相

將采杜蘅扣舷歌緩緩伐木賦丁丁樂順

公所居齋名

暇頤和道力羸

予告恙頤和是  
御賜詩句也

風騷歸廣大名教謝拘

傭百琲珠編貝三春日麗鯨自

口夏氣鮮烈

天誇老健名世屬耆英衡鑒原依斗江黃孰與荆品還

齊振鷺業足紀華萃歆羨忘來久精神養到清

二語皆  
釋公詩

振綺堂詩存

九

句韓公當讓齒白傅有餘榮平格承

天眷恢台協壽禎青蓮敷几席黃雀拂椽桁綺角難爲  
侶公卿交走伴周行資黼黻麗句覓琮琤賤子猶沙礫  
常時候網紉廿年陪棐几三度晉瑤觥幃幔春風密泥  
塗俗慮嬰操觚測滄海鬪草擷瓊瑤祝嘏心無限當歌  
目但惝所期光稷契莫漫述蓬瀛

和秋草書家槐堂徵士詩後四首

蕭森秋氣集池塘所謂依人水一方筇杖古松縈小步  
鱸魚斗酒趁斜陽平開簾幌蒹葭白遙指峰巒橘柚黃  
三徑屐痕誰是主閉門卻掃未全荒  
幾叢漫谷又沿隄也挫巖威獵獵齊座上莫教歌勅勒



陌頭已厭踏銅鞮碧梧紅豆餘詩興園柳池塘豈夢迷  
不見牛羊下長坂月明老驥蹴霜蹄

寸心耿耿釋何時欲報春暉那計遲蘭畹託根崇晚節  
藥苗含露指星期同岑紅翠分張去當戶葳蕤不改吹  
靜裏共參堅固義疾風留待歲寒知

蒿萊不翦良園偏感舊懷人思默然團扇篋中凝皓月  
緯蕭河上織寒煙白頭卧轍惟知已蒼耳鉤衣且信天  
聽取金陀丹鳳曲漫將榮悴話尊前

賦得案頭筠管長蒲蘆

曉起試筆視管中有蟲匿焉扣而出之婦曰此  
蜃蛤也戲拈韓冬郎句

振綺堂詩存

三

五月薰風動管城蠕蠕果贏此憑生中書老去堪營窟  
爾雅閨中亦識名穎脫未妨毫茂茂巢核須護羽盈盈  
若教脉望飛相並物化還當仔細評

雲棲僧舍卽事五首

江行來筍嶠導我訪瞿曇入徑松雲合連筒澗水甘淨  
便芻悅口安穩枕開函澹足誰題字香山許共參

香樹居  
土題額

白屋緣溪架虛廳面壁開翻經肱不礙諷貝磬徐來未  
渴添茶椀先宵翦燭煤棲居頻讓客山色想佳哉

初地稀人事襟顏靜不器琴和閑六轡月滿現三毫漸  
欲忘雞犬無心學桔槔悠然成默會始信繫新勞



白足權充僨殷勤導往還整冠分石火易履扣銅環事  
暫僮皆勉儀多日就嫺盤蔬慈母意且且至禪關

二子晨昏外陳郎亦素心同攜雙屐去近訪五雲深齋  
午鐘魚振僧催彳亍尋新詩誰寄與山舫憶蛩音

雲棲八詠

得竹已忘徑十里碧參差小枝折爲藩大枝削爲籬虛

心能自衛智豈不如葵

竹徑

松老鱗之而一鱗藏一雲巖風吹片片日夕常氤氳其

上千尺枝倘有雲中君

松雲間

湛湛涵太清人無鑒於水藏之不可度對此洞表裏過  
者思濯斯問滄浪孺子

洗心亭

振綺堂詩存

三

悠然澹無際萬慮爲之降花木太古色微妙四時香摩  
詰山光句但欠垣一方

悅性亭

新粉如黃霜飛過半嶺竹嶢峴雜行蹤眇眇失前麓三

里五百磴磴磴互盤曲

黃竹嶺

富春迢迢來放海不得遂登高展平鋪曲折寫全勢我  
非白香山墮地識之字

望江亭廢址

龍從五雲山團蕉壓山岑半尖開化塔草際不可尋茶

煙青一縷入雲深未深

五雲庵

飄然脫屐去遺蛻藏於茲題墓付元宰書碑得湛持年

徂百五十白月照威儀

蓮池塔院

和高方壺消夏詩十二首



結夏閑鈔未讀書隨宜疏鑿稱閒居一房山下數弓水  
小隊新添二寸魚

一枝新竹影當牕屈曲干霄意未降不遇吳興文與可  
寫生健筆有誰扛

天公何計活焦枯跣腳蓬頭一嬾夫多謝故人招避暑  
強攜筇杖出城郭

射覆分曹角酒兵潘汪壁壘有英聲較量敢詡三分鼎  
無算觥籌讓取贏

蕭齋點綴小坡陀拂水憑欄待雨過匠巧無人傳祕製  
師心須遣學銅荷

瘦骨衝炎氣獨蘇恣餐白芡共青菰三層閣子追涼好

夜色如銀月在隅

振綺堂詩存

三

酒渴無嫌折碧筩數莖老葉笑籠東風清月白花難墮  
辜負栽培小沼中

斜日牆陰小步頻成帷薛荔學拖紳秋衣未翦添新樣  
我亦人間澹蕩人

花吐靈根喜欲顛從今益壽可名泉南陔樂事宜新詠  
灑筆薰風長養天

雌蜺流傳待賞音久拋官韻寫黃庭塗鴉笑我麤豪甚  
齒冷詩翁捉塵聽

彷彿山居暑不知橫斜漫石似唐磁夜深細嚼松梢露  
卧誦先生消暑詩



子舍三年息遠遊月明葦渚與波浮生綃賺得胡郎筆  
容我高眠不繫舟

高丈介如示九日紀游之作率爾次韻呈政索湯  
吉甫世兄同和兼示兒輩

秋雲漠漠桂始胎黃花逋約如相猜三日不出塵滿鞋  
指點疊石埽積莓南山不見見米堆籬邊何人載酒來  
好風吹上嗟峨階枯棋遣雨醉卻回高叟導先少長偕  
叟真瀟灑神仙儕左拍浮邱右洪厓讀書有味蔗境佳  
勝朝事往如浪催縱覽青史評興衰副墨洛誦聞考駢  
大篇短章恣吟懷絳雲詩史陋牧齋奪幟未許西堂皆  
陶鑄一代同治坏筆不可撼鎮崑崙挑燈改罷一低徊

振綺堂詩存

三

先生時著明史襟詠今朝蠟屐吳山隈紀游詩格追歐梅茱萸遍  
插我叨陪生憎歸路泥填街蜷縮有類蝓與蠹眼明字  
字頌琪瑰巡檐踏破雨後苔宋公九日戲馬臺二謝高  
詠江天開賓從屏息靜不赦下視千載猶重儷放歌不  
肯受節麾逢場卽景成歡哈老去漫與尙歲巖古人何  
遽青山埋思欲追之凌雲飛祇愁兒曹趣尚乖長年守  
此枯木骸寸田當以活火煨醞酬六籍好撥醅琴號珠  
柱書玉杯先生豈獨人倫魁大扣小扣鳴鐘諧莫莫葛  
蕭施條枚扶輪大雅得所歸白日莫教志易隕鴻毛蠱  
蠱健者擡阿蒙三日眼頓揩爲山九仞一簣纔倚天拔  
地何有哉明年登高興未灰試看誰是出羣才



邪許曲十二首并引

邪許淮南子謂舉重齊力之歌蓋卽詩許許之  
十萬餘諸轉篙工柁師孚號濟險其發聲往往如是昔  
元道州于役江湘嘗自製欸乃曲令舟子歌之  
以取適於道路安居故大中丞王公任江南糧  
儲時督運之臨清歸而爲圖以紀其自題詩有  
云千里江淮路風傳邪許聲艱難知

帝力踴躍見人情當日漕艘三千餘安公教令飛輓而  
北帖然恬然方其舉重勸力之時宜必有歌謠  
以宣達其歡欣趨事之意而惜乎未之采也公  
子士會解元鎮之吏部出茲圖命題爰仿欸乃

振綺堂詩存

五

之遺稍變元氏之體撰邪許曲十二首詩不云  
乎神之聽之終和且平斯亦公之所樂聽也夫  
時丁亥暮春

邪許朝發清河口暮宿長淮壩今年官清身手健順風  
次第賽頭船

邪許淮南柳條黃淮北柳條青鼓帆趨漲鳧鷺暖已有  
紅蓮開遠汀

邪許遠檣短如薺近檣密如麻赤棒一雙閒不用黃頭  
十萬靜無譁

邪許但飲建業水曾食武昌魚愛殺家江好風景青山  
無數捲簾初



邪許細草平隄滿疎風斥埃涼船中玉粒蛟龍守野外  
黃雲餅餌香

邪許白汗揮成雨黃埃糝作塵指麾頻在船頭坐不柰  
官艙作去貴人

邪許卅里行不足廿里纔有餘準備石尤風信猛卸颿  
安穩勅徐徐

邪許下牖曳尾龜上牖燒尾牛津吏道旁齊袖手使君  
自挈水衡籌

邪許船在春風裏能識春風情黃口兒童赤腳女博得  
官人知姓名

邪許丁丁閑落子欵欵夜分牋後載嘉賓前載主玉堂

振綺堂詩存

三

風味兩神仙

邪許臨清關裏月臨清關外風月隨使節溶溶返風指  
神倉緩緩通

邪許舊瀆河淮并新謳吳楚兼逐隊浮家太平樂微軀  
何以答清廉

雙趺安穩後足疾兼旬槐塘先生以詩枉詢次韻奉謝  
龍東劣似閉關兵卧遊眼底登臨費緩步胸中計較明

多謝新詩能起病荷風打槳候層城

題宮守坡高格圖

白雪寒綏綏寒梅白確確玉貌猩紅袍小步延遠矚偏



強七椽欄珍綠毛禿似陋梧桐枝不放鶴拳足鶴翅  
自昂藏其羣慎飲啄高人選高格類聚成一族緬昔蘇  
密州埽雪九仙麓北堂春堂堂馬耳新出沐流傳尖叉  
詩顛倒萬口讀之子越鄉井嘯歌長水曲獨探太華胸  
滾滾泉萬斛韓門稱弟子愛此磨一角銜恤歲月深舊  
業就商榷中冬晝苦短秉燭示此軸卷之歸蓬茅伴我  
短檠獨正逢梅花開卽事證靈躅二王工好句玉楮妙  
雕琢疎慵氣頗餒諾責負已宿聞君理麻衣逝將返東  
國遊絲不自持彈指輕撥觸圖成十七年把玩非今貌  
叶參商隔昏朝雲龍空追逐贈我櫻拂子招彼海上鶴  
相從共歲月躡衣逢岱嶽

振綺堂詩存

三

山舫雨中聯句

僧廚不借煙塔影終古赭出沐新翠來亭魚赴瞑孤雲下  
叢綠生眉稜會王士亂山著蘭若談諧四五人此會讓詩筆  
尋常寡昨夜揖彌明亭魚今雨借伯雅舌本春瀾翻會士鼻  
觀秋麝惹靜聞心不煩亭讓高睇色亦假坳堂浮山坳王  
之馬槌鞭野馬伯兮復仲兮亭魚行者卽尊者禪顛吸逝  
波會士戒縛開吟社寸碧萬古心之鎮半面十分治我醉對  
醉翁亭魚拈花悟花姊堂堂不私覲山讓軒軒信炙輶嘲啜  
多胡盧之鎮餽餽付瀟灑會士卧遊笑未能亭魚卻走怪聊且  
終焉一中之鎮莫矣吾歸也亭魚

題嗜酒愛修竹圖

并引



丁亥初夏值良園先生於荷風竹露草堂方與  
彼飲酌池上倩賢阮寫真未脫稿逾月又同過  
散花灘雲溪寓齋彼飲後至袖出嗜酒愛修竹  
圖蓋補圖甫竟墨淋漓猶濕也立秋前一日先  
生以此軸屬題疑卽是前畫及展視則別爲梁  
溪吳生筆夫境遇偶耳屢見於畫而不易先生  
其真有嗜且愛者存耶漫題請政并牽連及之  
春杯婪尾四月初陸家老屋多林筴寫出先生太古貌  
水禽仰面窺臆虛補圖著意猶不苟荷風竹露真能手  
自云興來不暇嬾濕墨叢篁動戶牖我時對客歎奇絕  
良園風景宛無別江郎雲勸酬何郎東醒笑指微渦眼

振綺堂詩存

三

生纈東軒赤日射前廊長須背負畫在囊燈頭有題舊  
所識斯圖雅稱小軸裝挂壁徐徐究畫理失却探微逢  
道子神明標格將毋同與我周旋復爾爾先生嗜愛何  
其專肯隨時俗見異遷消夏直須畫百本占斷清福耽  
林泉苔光差差隔清晝日暮無人倚翠袖月明吹夢到  
滄浪涼露滿身秋竹瘦

王鎮之自江右旋禾過武林剪燭夜話集昌黎遊

青龍寺詩字三首

懷君九秋日相見忽南行帆角月初午山腰楓半頰鷗  
飛隨嶺去駮鈍誠途平參昴時來照霜寒流水清  
席滿風吹屢短亭無處無樹從雲景散猿卽竹間呼下



里尋鄉信前身非酒徒忘歸宜未敢腸斷是啼鳥  
赤手辭家出今來色轉妍候門惟二稚羈路及三千明  
發誰同被當歌知罕傳如輪何所思還卻復茫然

養素園十景爲王澹和賦

簾押不卷春模糊羅浮美人衣素襦十五五列四隅  
明月光中香有無繞屋梅花一川澄碧常縈紆如螺之閣臨  
交衢有人脉脉開金鋪清波到影照眉鬢倚樓臨水芳春未  
深木葉敷隔林似聞叫提壺蒙茸不辨槐柳榆可憐黛  
色須人扶遠樹浮藍黃梅雨過足灌輸昨日沙痕今日殊  
漣平添三尺逾結隊拍浮來野鳧戰溪雨漲翻風高樹八九  
株白日不動暑已驅綠苔色冷青絲絢小青涼室靜者

振綺堂詩存

三五

娛垂陰木頭昨夜絲絲潤鞭轡龍門百尺調笙竽曉來落葉  
猶半濡襄陽詩句繪作圖檉柳雨小山秋老閑酒鑪欲招  
淮南八公徒臙脂淡淡霏蕊珠解人莫將黃雪呼丹桂  
幾回清響疑錚于招提之宮草久蕪驀然一杵夢覺瞿  
贈形答影見真吾鳴鐘楓林受霜如醍醐棘屬竊丹顏  
色俱春花比似其然乎歲之暮矣或感吁紅葉無何雨  
雪紛載塗白頭山改舊形模初日當臆興不孤敲冰試  
訪孤山逋遠山雪霽

三月二十九日集雲根園迎夏聯句

乘時惜餘春青帝權已謝蒨童謁蛙姑取鬧黃鸝且停  
罵娛西鄉俗節獨重天宇晴尚詐吳亭舊侶因雨睽新



愁倩風嫁

汪顯

嬾散久杜門滑達孰勸駕

丁希

巷尾九

曲通林腰一街跨

亭

招尋路匪遙會合緣豈乍

徐秋

縛

帚理荒歲開徑永清暇

誤小

衰翁興尚仍韶景戀難卸

浦

八門亂紅飛側帽新綠亞

西

攢空樹合團聚潤蘚寒

罇

孤芳綴疎籬清陰障高架

顯烟竇詰屈穿蘿幌斜

會

側出將爲汎旁流

卽成汎

懈

開湖仿郎官規陂擬僕射

鳥每雙下

浦

石髮不可梳蟻衣自然化

西

名花恁

洛樨柳分澹

瀾

碧筍矗修廊疏峰抗虛榭

胛爲醜或鬼面

詔

亭

初平叱未起媧皇鍊初罷

垂玲瓏刻畫出隆窳

依

偕躋嗟力孱欲壓吁可怕

振綺堂詩存

五

上嵌危亭其趾建精舍

瀾

雲根此錫名峇刺巧相誤

吾儕同里閉日夕接盃

亭

上已尊靈辰解襍借蘭若

駟隙不逗留義轡倦休假

迓

會

渾宜缸面撇清待醅牀

於絮

紗

蠶豆青可憐櫻珠美無價

掇盈帕

林

裂餅牙未缺望梅齒先齟

鳥脆堪炙

顯

轟飲船下埭角技枝舞柘

分曹各爭霸

秋

無錢欲買春有興兼卜夜

轉照座燭

燒

檠筆墨縱橫飛檠榻次第

珠聯精紙粉光

研

言泉方續竹甘境譬啖蔗

羞雷同標新極

姪

亭

無嘲并無贊不敖亦不吳



令慨遷移格律謹暗啞微心賞慚阿連肩隨各叔夏  
和聲集八能鬪險劈三華瀟思幽渺難廣句傑輒得訝  
西硯焚子詎甘瓶罄我當貫韻共叶威鳳吟羞爲麝鼠  
嚇顯高言撼雲霄逸氣破罟獲強爭點轉崢嶸繁英任  
狼藉餘莫禁鶉鳩喚誰肯訓狐射秋長街畏衝泥綬縛  
雙不借俗

雲根園迎夏四十韻

小園刷雲根棲素得清暇照眼新綠繁仰面亂紅下脚  
蹶將餞春瀟灑行涉夏主人劇多情芳草愁未嫁歲時  
俗所宜會合天肯假輕衫袂易聯繡地茵可藉入門曲  
徑互攢景虛櫺射藤蔓稍障空竹萌漸抽罽石髮不可

振綺堂詩存

三

梳龍衣自然化蜂閒宛轉橋鶯老青冥樹作賦擬子山  
習嬾師叔夜層層列奇峰面面厰精舍薰風如舊識欵  
戶不待迓邨陌方條桑廚煙已爨柘是時雨尙淫卓午  
晴尙詐沫喧跳遊儵濕重墮飛絮山逋不上樓渚枉別  
成汭延緣信阻深徙倚失隆窠聊憑一柳栗導以雙不  
借鼓興張恢台高談破歌吹字許問雲亭書便繙艸架  
快意飽卽眠長吟鼓或罷臭味歸大醕禮法肆曲赦不  
辭賓讌屢放見節物乍籠櫻簇猩脣擘梅鬪薑胯泥坵  
燒貓頭鱸煨熟鵝炙炬紋餅師工呀呷海族亞輒香新  
摘豆佳境倒噉蔗羅列齊堆盤醅初壓醉樂此文字  
飲豈愛輕薄罵分韻角毫茫索句恥儻糞雜糅金待鎔



更番紙費研壇坵尊三老池塘接二謝丁徐久齊名晉  
楚足迭霸厠及彌甥微劣比小女姪相對好亭館何必  
論聲價夜珠來不來寒袷卸復卸歸遲梁燕宿行避鄰  
雞訝巷尾九曲通林腰一街跨千章偃翠時再稅塵中  
駕

分韻得哲字

是日恨不與會補作奉呈

錢秋不崇朝懷抱故棲切主人涪翁流爲展重陽節風  
物赴蕭晨疾如劍首映賓鴻來已稀莖月晦全缺金地  
肅凌競霜露益施設誰攜驚人句卽景唱酬迭歸感朔  
管新寒愁夜珠滅願申永久歡再結故人轍論文師老  
蒼晞風及時哲自慚塵中緣仰止徒耳熱

振綺堂詩存

三

何春渚以胡褐公畫冊見示愛其筆墨瀏灑留齋  
頭兩月以胡生者能撫古屬爲臨之僅虎賁之似  
耳他日倘遊金陵歸將乞圖於後飲解元庶足相

敵牽題就正兼質雲溪詞宗丁亥七月朔識

不識南州遺老胡褐公某水某邱腕底煙雲通浮山愚  
者把臂入林早摩尼之珠喻自厯下翁春渚何郎嗜古  
近無匹是冊得之吳山列肆中歸來鑒賞比鄰召江陸  
開卷彷彿袞袞生江風我昔涉江但從瓜筓步芒屨樓  
笠未蹈江之東寒雲老樹寂寞故城裏秦淮咫尺搔首  
空溟濛今秋有約欲乞一札便沿緣佳麗腰腳猶能充  
畫本於我無乃爲先兆踴躍興發一笑心忡忡元暉不



作逸然已千載恨無驚人之句酬清空不如澄懷卧遊  
學宗炳日竟一幅不待三旬終荷風竹露淵源探微筆  
尚許心追手撫將毋同大小長千四百八十寺淋漓結  
撰并與傳無窮褐公褐公見之應妒絕奪胎晚出變化  
神明工試向散花灘上重評權夜深潮打極目吳天鴻

許母節孝旌門詩

苦節不可貞讀易識其辭女貞擅三世節著事更奇大  
家宏農女高陽好門楣念當初結髮夫子前致詞阿母  
生我時嚴親殞在帷丁寧語媪嫗我命懸如絲男也恃  
一綫不然死良宜精誠感神明皇天垂恩私三年免於  
懷長大及今茲得卿甚賢淑同心答母慈長跼謝夫子

振綺堂詩存

三

婦順焉敢虧和鳴相琴瑟吉夢維熊羆皤皤高堂上笑  
口樂含飴皇天重降割連理橫見摧矢志欲引決黃泉  
永相依舉頭見老姑手抱三歲兒襁褓雖黃小勝我初  
爲嫠抱兒眠姑旁形影不暫離一身持門戶內外咸綜  
治井井中條理險巇化坦夷姑老終天年曛且浩無涯  
內婦子克家宗鄒式合儀貞元互根祇食報當從斯悠  
悠泰山錄明神德何衰作使來鵬鳥長翥目睢睢自晝  
喚魂魄人命不自持慟哭所嬌兒歌虞聲慘悽新婦幸  
有身新愁銜故悲遺腹類阿翁舉似無差池差池足驚  
詫墮地駟與隨翁昔一夔足孫今雙鳳飛顧復大母恩  
流光去如馳比肩年十五美好玉雪姿翠柏閱歲月顏



色不改移清光滿宙合行人盡嗟咨表揚肅

朝典綽楔當門施華髮五十三半百纔過之遐齡更耄  
耄曾元羅庭墀泉酌酈山菊舉室皆龐眉誰謂苦節苦  
福壽百歲期

輓柳潔夫

天星明歷歷銀漢鑿白石江風吹團團滄洲生紫瀾星  
光江影相吞射黃金精神玉聲價火不能蒸水不濡誰  
使斯人竟長夜青春折柳條結束土吳柳槐子河邊三  
月住故人話舊評風騷竭來又理楓橋楫花木禪房辰  
再淡秣陵旌蓋有門生簾外青山遲行屨前年遠遊歷  
寒燠五羊避俗事幽討腸斷何甥生死情詩成庾嶺煙

振綺堂詩存

三

霞表萬里歸來今不歸惡耗片紙急打扉正愁炎熇鑠

金石頓令白日無光輝先生有道富文翰忘年論交遊

汗漫柏堂竹閣九人俱白鷺銀濤七月半遊生歲必招

者九以是日相約觀潮家在城南頭剪燭常宿留與會

時警夜鑰腰腳不少休丹砂喫面白雪齒方瞳名注仙

籍裏幾回洗伐到毛髓壽百二十非後矣那知盛衰有

倚伏旅櫬莫招皋某復魂歸夜雨寒蟲號淚溼土花山

鬼哭雲居石橙委煙蘿弟子俟芭空復過月出漉漉山

峩峩遺文篋行秋旻羅誰後死者其蹉跎

四月三日六橋補修禊事集蘭亭字各賦八韻

修修日向永不異春禊時會合云可又感此若爲期水



哉固所取因以攬帶隨稽山昔有作述者當於斯引領  
倦故人清風一遇之情生豈虛寄不極如遊絲內喻既  
自得羣言况相知信樂無已大坐興懷古悲

喜晤宮守坡用東坡韻

與君同遊昌黎門會合託始長水村琅玕探徧十二卷  
有才何啻萬斛源東歸作室九仙頂樽桑夜看翻金盆  
入門驚喜復相見自道萍梗初無根當時寓公盡豪俊  
意氣往往推元昆江沱派自東北匯峨岷秀絕西南坤  
時清容易致身早河魚累寄殷勤言我亦停雲勞送遠  
登山臨水隨行軒

閏七夕吳丈歐亭招集雲根園分得珮字

振綺堂詩存

三五

牽牛花開石屏背橫簾偏宜小山對秋遲  
麝香有無菘曲周遭苔瑣碎屐痕何處認雲根  
池水依然識清裁今夕何夕循環推願與仙人拾遺珮

意八月十六夜同人樟亭觀潮聯句

月壯哉生魄醜江明初蕩采飛閣俯亂流朱開開窗面

遙海馳神潮未來陳石枯坐悶誰解命酌惟村醪湯尹

隨意列市醢方牀七尺強趙圍坐五人在恰喜招何

甥強轉惜阻韓買江聲到耳喧翻水勢極天駭浦色橫

渺茫鮑波痕界明晦空清廓有容靜遠碧淨不改魚龍

安舊窟翻光景貫碎琲把杯吸洪濤醜仰首派真宰蟾

魄移更西翻鼉鼓數逾亥夜靜問何其鮑風動測時乃



俯仰神明渙

亭尹

展轉聲息怠勇觀馳初心

齋恒

餘波戒中

海靈胥駕遲遲

亭魚

式圍望每每迢遙鼈子東

亭明

洞旋龍

山背目母暗翕張

石泉

雲根籠鬣黠水力才卹然

已振殆逆流三折奔

齋恒

側岸千里逮須臾沒涯涘

亭尹

轟雷

次撼壁壘層霄恣盪汨

齋翻

浮翳快濯灑朋游赴夙期

汝信覺今倍須知秋正中

亭尹

勿以季孟待

齋恒

滌硯池放生歌

石工刻石如剝舟腹以虛受壁四周長不足尋廣倍尺貯之一泓碧以瀏嬋娟數峰出意匠岑苔陵烏濠梁儻主人隱几得小休古硯開匣心冥搜凹深墨聚妨點黠清泉曉盪松煙浮鸚鵡活眼洗逾淨如見魚樂鳴相求

振綺堂詩存

三五

憶從道院買放此天機涵泳春復秋大魚素鱗三尺修小魚班班羣出游蜻蜒未蛻宅蘊藻細縕疑有雲生幽魚乎莫謂升斗小此中終古無餌鉤墨汁恣飲須不負三千浪擊桃花流但師脉望學變化盆翻石破能汝留

古兩頭織織詩三首

兩頭織織采菱船半白半黑燕尾穿膈膈膊膊敲兩舷

兩頭織織挂壁弓半白半黑杯影中膈膈膊膊叩頭蟲

磊磊落落思秋風

兩頭織織楸葉垂半白半黑楸枰棋膈膈膊膊獨鶴窺

磊磊落落我所思



題許默齋太守連枝圖三首

芳樹連枝發飄篷轉眼分青春長憶弟古道孰如君並  
坐尋蕉夢迴頭感雁羣柴桑形贈影未許外人聞

試喚重相顧真成對老兄香山題舊寫真詩形影  
然相顧如弟對老兄鬢絲

忽改色夜雨迴含情把卷詩肩聳看雲日脚橫園中閑

草木酬和似平生詩題

同病應憐我披圖倍黯然來生那可結阿堵若為傳三  
徑薜蘿長二難襟袂連荆花原得氣色相總天全

壽趙意林徵士即用同林倡和韻

一卷琳瑯等墨王同林格調盡上高蒼藝林近已誇雙

絕詩筆由來數六郎早歲長楊曾獻賦

振綺堂詩存

三

新恩賜錦更名堂小山花發逢初度徵士著書處  
各小山堂賓客

攜辭興不忘

許默齋太守席上和董浦太史作四首

林風習習颺新聲洗盡繁哇入耳清黃鳥一般工轉語

生憎睨睨太多情

操縵時年十二三扶頭低頸背周南而今自許紛綸甚

小字紅綾袖一函

謝家絲竹樂何窮賭墅渾忘阿堵中若使靈心比師曠

定將不競祝南風余與太史  
奕屢勝之

閨閣無如矇誦宜三條弦上最情移買絲繡出新吾範

裝點流傳合付誰太守方選刻  
呂氏開範



戲附詩餘三首

瑶花幔

南屏一疊縮本吾盧染山僧殘墨王郎兄弟攜嶺土幾  
點宿雲相借非印非壑也成就煙霞泉石傍水邊箕踞  
科頭者箇風流吾識山樓共倚晴初有空翠層層湖  
影同鷺須彌芥子收拾到檐裏半弓几席卿能過我便  
畫入圖中也得待更添兩樹枯橙三十六鷗浮拍

鶯啼序

題松風留客圖送王蓉軒歸蜀鎮之偕至江右  
時借榻南屏讓山上人精舍

春鴻爲憐別影就蘇堤印爪喚鴻住五百松風舊日坡

振綺堂詩存

三七

老曾到去千載松將盡矣風前古衲吹髯裊問髯耶鴻  
客誰邊肯將痕掃鴻遺之意請以臆對算春光漸老  
我家在天半峨眉青山責我前約鎮相呼五兄六弟畫  
人字斜行生肖帶情多身在南屏黯然魂悄朝煙並  
駕夕渚同棲水雲正淼淼待驀過富春湖信更歧匡阜  
蠡口湖邊把人分了將離易長當歸難共天涯香草東  
西翼夢餽餽此意惺惺覺巢松不改他時予子重遊心  
事訴與髯曉共髯聞合十致語雙鴻別緒憎太早看寫  
幅之而擎攫獵獵濤聲泥屨平沙卸帆虛櫂幾回暗祝  
沈吟低忖江波湖水天遣斷亂煙橫怎怕天風峭捲圖  
遲上江船試譜鶯啼啞然索笑



買陂塘

題山舫

一篷煙三分湖影蒼茫吹上巖塢竹聲頻惹灘聲急還  
有幾聲斜雨誰共語喚不起平田漠漠閑飛鷺萬峰在  
否待舉手當風掉頭揜枕靜數翠微樹 停盃晚檻外  
歸鴉四五看來流水低互春波深淺憑分與著箇槩人  
應許誰是主髯尊者嶺雲端白雲深住愁子日暮談往  
事南屏垂釣試想金鯽竟何處

元孫曾唯恭校

來孫加年再校

振綺堂詩存

三

振綺堂詩存



振綺堂詩存題辭

吾浙推文獻高閣輩行尊外家喬木舊奕世古風存在  
昔歌鳴鹿方春躍大鯤八廚從釋褐三策動臨軒早澹  
浮雲慕常親愛日溫庭趨忘歲月陔養奉晨昏鄴架藏  
書富曹倉夙好敦談經揚子宅通德鄭公門虎觀升都  
講雞窗習討論補筮追束皙懸榻待陳蕃閒蠟尋山屐  
頻傾話雨樽丹鉛遺手澤瀟灑活心源儲穀修禋祀連  
槐庇本根指困無吝色贈縞有懽言肝膽和能照襟懷  
寂不喧魚知蘋藻樂鴻感稻梁恩客散裴休島師承謝  
傅墩絳紗傳絕學黃髮對臞元樂律鯨音振詞場鳳采  
鸞大名齊北斗佳句盛西園正始千秋業貽謀五葉繁

題辭

自廉登賢書者五世先生至子養孝香芸開甲第毛竹老曾孫冰玉才

多忝裳衣寤弗諼靈光窺畫像私淑接唵魂華表終歸  
鶴重湖尚泛鴛我來牀下拜采勺薦芳蓀

伏讀外大父魚亭先生振綺堂詩存先生於  
乾隆乙丑捷南宮出秀水太傅香樹先生門下太

傅爲作家傳述行誼甚詳弁於冊首先生也晚不  
獲逮待杖履敬成長律二十六韻以志追慕距

先生歸道山已八十六年矣嘗咸豐六年十月下  
泮孫瑁桐鄉陸費瓌拜題并記

旗幟騷壇樹古人如公大雅信扶輪功名志爲循陔淡  
經術才多廣座親自有性情流翰墨獨標機杼出風塵



一編遺彙挑燈讀披拂全回筆底春

半生結習撫吟箋蟬噪難爭眾作先燕許風規前輩重  
曾蘇交誼後人賢好將鉅製論千古惜未同時近百年  
追憶承平當日事湖山觴詠是神仙

昔歲避兵宣平轉徙景甯適子養同年秉鐸於此  
他鄉聚首相得甚歡展誦魚亭先生詩存敬題  
二律以寄景仰之懷同治紀元癸亥春三月既望  
餘杭褚維壇謹識

流風衍及百年餘通德名門舊

賜書

汪氏富於藏書進  
題書苑菁華曲洧舊聞

呈六百種蒙  
賜佩文韻府科第嬋媯

御科第嬋媯

聯六葉文章聲價重三珠松雲早臥高人宅華黍曾題

題辭

二

孝子廬

先生居父喪庭前海棠花變  
白色龍泓山人爲表其廬

景行清芬安可仰

遺編一讀一躊躇

子用表文示讀魚亭先生振綺堂詩存文爲

先生元孫昔與先君子禮庭公同官湖北過從最  
密嗣失怙丈經理喪務偕歸浙西旋又失恃招

至家讀書令子弟相切劘今秋七月與鼎年洛年

渭年同入邑庠越兩月又與大變康年鵬年同舉

于鄉皆先生之來孫也竊幸私淑門牆亦沾化

曾燕澤謹賦一律并識淵源於右光緒十五年冬十一

月朔後學許子麟恭題



